庫全書

子部

欽定四庫全書

子部

梁谿漫志卷二至

詳校信中書臣羅錦森

員外郎臣牛稔文複勘

覆校官中書 日汪學金 校對官中書臣范 腾録監生日 桑

鏊

英

欽定四庫全書 くこうしょしい 日 終點漫志 提要 崔器之得疾涉於禍福報應史家當削而 史事數條尤多前人所未發如謂漢田蚡唐 資考証之助在宋人說部中頗稱精審其論 字補之無錫人其書雜記見聞詳實販治足 臣等謹按兴谿漫志十卷宋進士费家 梁昭隆志 子部十 雅家類三雜或之屬

多 5 四 本全書 ■ 禧初國史院牒文已作十卷則宋志一字誤 史藝文志載是書作一卷而此本卷首附開 姚崇序進郎吏明皇不應為怠心之萌皆具 也乾隆四十二年五月恭校上 有特識非撫拾陳言取盈卷帙者可比按 ·辨漢髙祖即敗內奪韓信軍為不足信論 提. 總察官臣紀的臣陸錫熊原孫士敢 臣 陸 货

止識者當亦為之歎笑耶紹熙三年十二月二十日梁 作命則言抗疏論諫則言知人安民矢謨則言舎是而 前單之學不徒為空言也施之於用然後為言故掌制 梁谿漫志序 於時其學迂濶無所可用暇日時以所欲言者記之於 紙歲月寖久積而成編因目以漫志嗟夫竟何謂哉顧 有言馬所謂垂世立教者則亦不得已云爾予生無益 有用之言且非有所不得己譬之候蟲逢秋自登自 £ ...

第放浪湖山匹馬數重飄然意行一日至湖上遇望蘇 **谿费衮補之序** 仲虎尚書宴客靳王徑造其席喜甚醉歸翌日折簡謝 云二関三紙勿亂動淳熙丁未蘇公之子毒父山丞太 近見費補之衮梁豁漫志紹興間韓嶄王自樞密使就 然其詞乃林下道人語莊敏云先人生長兵間不解 府攜以示嶄王長子莊敏公莊敏以示予字畫殊傾歌 飾以羊羔且作二詞手書以贈蘇公緘藏之親題其b 序编列表

敏定四庫全書

樓鑰書 御器械以二詞石本見示益信梁點之說但詞中一 字不同耳昔人有競病之詩及塞北烟塵之句雖皆可 晚年乃稍能之耳嘉定改元莊敏公次子樞密承吉帯 稱殆未有超然物外如斷王之曠達者也中元日四門 1

THE PROPERTY PARTY IN THE		N
		多定四库全書
		序; 注:

指揮編修高宗皇帝孝宗皇帝光宗皇帝三朝正史今 文字等參照修纂及官雖早或事有可紀者亦合立傳併 迹墓誌行狀碑誌奏議文集及前後所得聖語弁御筆 有合申請事開具下項內一項一令來編修三朝正史 國史實録院牒國子免解費進士勘會本院恭奉聖旨 乞朝廷劄下諸路轉運司行下所管州軍監縣鎮嚴限 合要文臣卿監武臣刺史以上宗室大将軍應生前事 細搜訪抄録申發赴院以憑參修施行伏候指揮六 限贴浸忘

くこうも

請遵從已降聖肯指揮抄録前項所要文字點對無差 月十七日三省同奉聖古依衛付院當院令訪問得 子免解費進士來有所著梁谿漫志十卷須至公文牒 漏中發赴院以備參修使用不請達滯故牒開禧二年 二月日牒 國

舒成四月全書

明道初重建 欽定四庫全書 とこうを 朝因殿建富合見於除拜者曰觀文曰資政曰端明 局延恩殿也慶歷七年以文明殿名犯真廟蓝 2. chin 八殿皆易其名已改崇德為紫宸天和為 簡罷政為紫宸殿學士御史何即 於是改延思為觀文殿置學士然 染點漫志 費衮 採

為 觀 蛪 右文 承 殿學士以寵之至於端明則始於後唐明宗國初改殿 其實與端明本只 明日延和然近無拜文明學士者蓋禁中己 万 文明而學士仍領端 明殿日端 文明殿學士雅熙初又改文明殿為文德明道間改 文矣資政則自景德中王冀公罷政真宗特置資政 四月白書 政和五 集賢為古文始為集賢院則有學士泊建 明復置學士與文明之職並建後人改端 殿也此外又有集英殿止置修撰 明之職太平與國中併改學士 無此殿矣

官為修撰矣政和四年改端明殿學士為延康殿學士 惟天章閣初止除待制後亦遽止至今不除學士等官 秘閣並建官均號貼職然秘閣有修撰而無待制學士 和元年改宣和殿為保和建官亦同至建炎戊申復以 极家直學士為述古殿直學士五年置宣和殿學士宣 止於宣和之末自龍圖至煥章七閣皆藏祖宗謨訓與 延康為端明殿學士述古為樞客直學士保和之除 ,難於稱呼與紫宸之意同也又有翰林侍讀學士侍 Die So By Lin 則

世将至今亦闕不除 欽定四庫全書 元長 **讀學士自元豐廢而元祐復元符又廢至紹興六年范** 祐時始只两相元豐改官制宰相始不帶職而左僕射 修國史次集賢大學士皆平章事其後除拜不常至嘉 國初宰相凡三員皆帶職首相為昭文館大學士次 如之乾道末職制令刑去容學則八年 宰輔公革 沖始除翰林侍讀學士班在翰林學士之下而思 除胡承公

蓋用漢制云 射並同中書門下平章事改門下侍郎中書侍郎為祭 左右丞以行祭知政事之職政和初改左右僕射為太 知政事而廢左右丞至乾道末始改僕射為左右丞相 **兼門下侍郎右僕射兼中書侍郎其後或熊或否又置** 自建隆至紹興末廷魁凡八十四人而入相者止六人 |幸靖康復改太少宰為左右僕射建炎初以左右僕 廷魁入相 1.1. 作谷見し

戊申宰相二十八人再入者九人景見 梁文靖克家而王李梁三相皆再入文穆凡三入云 銀定四庫全書■ 記趙中令以來未五十而相者六人而自建炎以來尤 日文穆 蒙正王文正 曾李文定 迪宋元憲 犀何丞相東 獻 **衆范丞相覺民登庸時纔三十二張忠獻三十九秦忠** 本朝宰相出處之盛前輩備記之矣自中興至于淳熙 窜 相出處 二李丞相伯紀四十五其他未五十而相者比 東美元 中親親張

祖宗時凡三相首相昭文次監修國史次集賢昭文雖 监修提舉國史

比可數也

後畢文簡思忠愍亦然乾興元年令馮魏公專切提舉 止除兩相則首相監修趙中令獨相以集賢監修久乃 的文薛文惠沈恭惠並相薛領監修而沈領集賢其 相始得之然但虚名獨監修國史有職事為重也若

監修真宗實録於是又增提舉之名至天聖中詔王沂

無點漫志

炎定四車全書

當命首相忠簡既罷忠獻始帶監修而秦忠獻獨相以 之命其後朱忠靖獨相監修趙忠簡張忠獻並相時范 國史乞改命輔臣盖是時但修日歷例指為國史而提 舉日歷前此亦或命他官故忠穆引解詔不允初監修 分而為二職矣紹與初日忠穆公再為首相差提舉修 元長修史忠簡以親嫌乞改命忠獻監修忠獻引故事 公監修先朝正史又別勅命之提舉於是監修提舉 職自元豐王岐公以來久不以入街至是始有提舉

敏定四庫全書 其子文定亦封儀本朝父子為相獨此兩家且襲其爵 事云 或首相關而次相已提舉則命泰知政事權監修迨次 祭知政事權提舉相位皆虚則監修提舉悉以祭政攝 相轉廳則改充監修而命右相提舉或不拜右相則命 日文靖初封申公其子正獻亦封申韓忠獻初封儀公 宰相父子襲爵 · 報光浸志 五

監修兼提舉自是而後凡兩相則首相監修次相提舉

嘉祐中胡文恭公建言 太宗封晉王至真宗封壽王乃 亦盛事也 封國當避

冤準嘗曰晉是藩邸舊封今以為贈典非所宜天禧四 陸壽為大國在晉國之下景德三年記壽宋孫趙四國自 今不得更封而晉反不在禁封之科魏仁浦追封晉王

當國省吏避其父名改為勘當至今治襲省中出較待 舊制三省文字下部勘當本謂之勘會嘉祐末曾魯公 封韓王而曹寒悼富文忠皆封韓公仁宗始封慶國公 用準字極去其下十字或云祭京拜相時省吏亦避其 慶公有司皆失於檢照也隆與元年十二月湯丞相轉 而王朝白時中皆封慶公紹與辛酉秦師垣轉廳亦封 **飃自崇國亦進封慶乃始辭避詔改封歧云** 三省勘當避諱 果谷曼去

並除自此始元豐四年以樞塞聯職輔弼非出使之官 宗以秀公三至樞府欲稍重其禮乃以為知院事元樞 欽定匹庫全書 敕避諱自何時始也近年稍稍復借 西府時文路公吕惠穆為使韓康公邵安簡為副使神 知院二者未嘗並除熙寧元年七月陳秀公自大名入 祖宗時樞密置使則有副使置知院則有同知院樞使 父名然王禹玉父亦名準而寇萊公亦當作相不知書 樞密置使

授矣 宰相入為樞密使自後除使者多自知院而遷至於副使 則 使其知樞密院事同知院簽書並仍舊於是秦忠獻以 止 置知院同知院餘悉罷紹興丁已正月記宥家本兵 地用武之祭事權宜重可依祖宗故事置樞察使副 八年除王敏節庶 都督宣撫等使名 府總師為宣撫使其次曰招討宣撫有副使有 異谷是な 年除岳武穆飛自是久不除 t

带制置大使安撫大使有管田處帶管田大使從官亦 或執政為御管副使大將皆為方面宣撫使亦或為御 或為招撫使都統制等官則或為都巡檢使或充某處 營副使或招討使次為招撫使執政或從官為大助者 者以宰相為御營使為都督或為宣撫蔗處置使次相 判官其次又有制置經制等使中興以來建使為多大 欽定匹庫全書 為鎮撫使其名不一 捉殺盜賊制置使或止充捉殺使或裂數州或止一州 惟都督非宰相不除獨趙忠簡公

特命之 前為相時當督師矣明年湯丞相為都督楊武恭副之 こしたしりこう しこという 使名無異乃亟改為都督紹興辛已壬午命執政出使 未幾就除都督前此未有蓋其官為太傅錫爵為王故 亦止為督視隆與癸未張忠獻亦以樞察使為都督然 與外攘之際以宰相執政總師建炎己酉二月首以 府總師 於路曼克

知

樞密院為之蓋初除川陕宣撫執政謂與蜀中諸師

獻公再入西府乃命忠獻行邊五年二月忠簡忠獻並 宣撫處置使尋改都督川陝荆襄諸軍事將行而張忠 庾權同都督四年八月趙忠簡公以知樞密院為川陜 紹典壬子四月忠穆以宰相都督江淮等路諸軍開府 吕忠穆公為同簽樞充江浙制置使是年五月張忠獻 于鎮江未幾選闕以朱忠靖為同都督辭不拜乃以孟 以京西湖北 以樞密同知為川陕京西湖北路宣撫處置使明年 相去遼遠又已分鎮始全付以川陝之任

銀定四庫全書

ž

月又詔忠獻視師七月再視師以都督行府為名忠簡 知亳州自是又不除同知宣和六年蔡懋始以同知副 知真定自是不除簽書政和元年九月王襄自同知出 時然未嘗頻年虚位紹聖元年五月劉仲馮自簽書出 特居中總政事中外相應竟不復行也 ここうこ 相皆带都督置司行在所忠獻復出蕩平湖冦六年 元豊官制樞窓院之副有同知有簽書除授雖不皆同 百 知簽書虛位) . Lin 安治曼志

之遂詔管軍至諸軍班衙內帶功臣者並罷而敷官至 尊號吳丞相沖卿因乞罷功臣號馮當世在西府亦言 勘與於是諸大将以次賜號惟熟官則自紹興癸丑始 政和中亦罷紹與六年執政議復舊制賜功臣號以示 唐文武臣有賜功臣號有敷官本朝因之自神宗不受 間童貫乃以宦寺為簽書然纔三月遽躐為領院矣 蔡攸凡同知虚位者十三年簽書虚位者三十年政和 功臣號勲官

銀定匹庫全書

大理寺丞韓仲通繼以為言丙辰歲廟堂又請武臣有 為言復下之有司八年間凡四議之然卒無賜勲者迄 邊功者帶勲以旌之下吏部立法至庚申歲議者又以 勲之類皆襲唐官職故不之改也 今惟外夷加恩則賜勲如故益國初檢校官憲街與賜 本朝郊祀五使沿唐及五代之制大禮使用宰相儀仗 命禮部尚書洪擬翰林學士綦定禮討論作典甲寅歲 大禮五使 1.1. 独的漫志

符中東封五使皆命輔臣以重非常之禮天聖二年親 郊祀禮儀使以下改差執政官然自後五使自宰執外 **中丞為鹵簿使賈遂引故事以請乃以為儀仗使元符** 為鹵簿使議者以為非故實治平二年當郊以賈直隱 郊晏元獻以翰林學士為儀仗使薛簡肅以御史中丞 使用御史中丞頓遞使又増橋道之名用京尹禮儀使 湛 以從官之長或使相為之 **おき及園簿使則以學士及他尚書為之大中祥**

銀定四庫全書

故事冬至祀圛丘攝太尉掌誓百官攝侍中進玉幣并 攝官典禮

尉奉刑於是權太常少卿江端友言漢唐以來太尉乃 豐官制自是復初紹與癸丑上昭慈諡孟信安以攝太 書令大禮行事以左輔攝事靖康記三省長官並依元 奏請致齊及輦輅前奏請政和以左輔右獨易侍中中 三公之官故命宰相執政攝之以重其事政和以後降 太尉不得為三公今雜壓乃在特進觀文殿大學士之

とこうえ とまち

操船漫志

書尚書二令淳熙初復有記侍中中書今雖已刑去每 攝太傅乾道壬辰既改左右僕射為丞相刑去侍中 多分四月全書 遇大禮並仍攝事貴存舊名以備禮文乙已之冬舉行 以三 周益公以樞密使攝中書令重盛典也自是率遵行之 慶壽禮王魯公以首相攝太傅梁鄭公以次相攝侍中 而奉册寶猶稱攝太尉自上攝下名實不相副煎不 時 一公奉冊不應典禮遂詔今後攝三公行禮自是皆

令樞窓院依舊置內庭日歷詔自今軍國政要並委然 中書極容皆置時政記周顯德中客院置內庭日歷望 記國初以扈蒙之言語盧多遜録時政月送史館然迄 出己之辭而忘同列之對恐有遺漏乞令宰臣人自為 政記其後議者謂所奏事非一端移數刻之人或但記 不能成書太平興國末直史館胡旦言五代自唐以來 知印宰臣得書其日德音及凡宰臣奏事付史館名時 唐故事室臣每於問內及延英奏論政事退歸中書惟 /1 Lin 染點漫志 1

記也大中祥符五年王欽若陳堯叟在西府乃請 院以下先上寧臣未上所有宣諭無由聞知乞差副樞 端拱二年中書門下建言所録時政記緣御前殿櫃家 館防因請每月先奏御後付所司時政記奏御自防始 知政事李昉撰録極察院令副使一人纂集每季送史 不附中書其後不止宰相與密院凡執政人人皆自為 二人抄録送中書遂詔樞容副使張宏張齊賢共抄録 送中書同修為一書以授史官然止送中書未得自為

多定四月全書

こしこう こういん 之類韓魏公問陳師道珠司馬近日論何事答以彼此 書而所記益廣然循襲一季之例或半年始送著作往 祖宗時臺諫得見政府而不得自相往來如王沂公親 諭韓魏公近日章斌甚好范文正公爭郭后面與吕許 往愆期妨於修撰紹興初始命每月終錄送著作院云 公辨日獻可爭濮議面與韓魏公辨司馬温公乞立皇 ,親見魏公納劄子張橫渠至中書見王荆公爭新法 臺諫見政府 洪陷曼志

言事官相通遂令范淳父諭古於劉器之是臺諫己不 來而不得見政府已汲公對廣前以備位執政不敢與 國浴室院則臺諫相見無所拘也今治襲此制云 可見政府矣蘇子由王彦霖諸公擊吕吉甫會議于與 臺諫不相往來不知所言何事是已其後臺諫得相往 **梁谿漫志卷**

多定四庫全書

為銀青光禄大夫左右丞為光禄大夫元祐右 右僕射為特進吏部尚書為金紫光禄大夫五曹尚書 寄禄新格中書令侍中同平章事為開府儀同三司左 書之以備稽考云元豐三年初行文臣官制以階易官 文武官制自元豐政和更新其後增改亦不一因合而 欽定四庫 全書 **梁谿漫志卷二** 文武官制 発浴更去 費衮 夫銀青宣 掑

太常至司農少鄉為朝議大夫奉直大夫 侍郎為正議大夫通奉大夫大觀新置元 **欽定四庫全書** 為 通議大夫左右諫議為太中大夫秘書監為中大夫中 六曹郎中前行為朝請大夫中行為朝散大夫後 朝奉大夫員外郎前行為朝請即中行及起居舎人 大觀 左光禄大夫 正奉大夫大大親新置元祜正奉大夫大 郎後行及左右司諫為朝奉郎左右正言太常 中散大夫觀新置元 枯 光禄御至少府監為中散大夫 光觀禄新 **祐大** 右觀 祐 大置 給事中 九朝 議大 祐 六曹

推管軍事判官換文林郎防團推官監判官換從事郎 直郎節度掌書記支使防團判官換儒林郎留守節察 初又因刑部尚書鄧洵武有請以留守節察判官換承 奉郎秘書省校書郎正字將作監主簿為承務郎崇寧 宣義郎大理評事為承事郎太常寺大祝奉禮郎為承 郎太子中允赞善大夫中舎洗馬為通直郎著作佐郎 大理寺丞為宣德郎 國子博士為承議郎太常秘書殿中丞著作郎為奉議 **人三可戶公時** 宣教 光禄衛尉寺将作監及為 探點漫志

始從版授益非真官於是却以此三官易假授官以處 修職郎舊通仕郎為從政郎尋又以假版官行於東世 將仕郎已入仕不可稱將仕可為迪功郎舊登仕郎 五年改太廟郊社齊郎為假將仕郎政和六年又詔舊 登仕郎以軍巡判官司理司法司户主簿尉為將仕郎 未入仕者假将仕郎去假字為將仕郎假承務郎為登 以録事祭軍縣今為通仕郎以知録事祭軍知縣今為 即假承事承奉郎為通仕郎云政和二年易武選官

金分口及 台書

拱衛大夫東上問門使為古武大夫正侍 正郎 殿使為中侍大夫客省使為中亮大夫引進使為中 名內客省使為通侍大夫延福宫使為正侍大夫宣正 シス・リー・ ノートー 夫胡衛大夫政和六親 增置親 罪客省副使為 年政 和六 相置履正郎 衛 置 履正大夫 粥 政 增置扶 中亮郎引 谱 年政 增 置 六 東治曼志 年政 衛 衙大夫政 增和置六 協 即母增置東上 進副使為中衛郎湖衛郎 協 忠郎 忠大夫 年 增和置六 趺 年 增和置六 郋 四方館使為 增置景 階 年政 增置宣 副使

使東作坊使西作坊使為武定大夫再殿胜宅使六宅 夫官苑使左右騏縣使内藏庫使為武德大夫左藏庫 為武略大夫西京左嚴庫使為武經大夫西京作坊使 夫自皇城副使至供備庫副使為武功郎至武龔郎 東西染院使禮寫使為武義大夫供構庫使為武翼大 使文思使為武節大夫內團使洛苑使如京使崇儀使 為左武郎西上閤門副使為右武郎皇城使為武功大 郎以下為副使大夫以下為正使 内假承制為敦武郎詩 ķ

銀定四庫全書

直為成忠郎右班殿直為成義即母改三班奉職為承 節郎三班借職為承信郎三班差使為進武校尉三班 為東義郎左侍禁為忠訓郎右侍禁為忠翊郎左班殿 とこりま 故事近臣有所請乞辭免其從與違皆當令學士院降 借差為進義校尉下至軍大將等易為副尉**殿侍為**] 殿崇班為修武郎東頭供奉官為從義郎西頭供奉官 班祗應及更醫官名有差 翰龙降詔 たたす 一 探點浸志

與初日忠務公乞二子任在外官觀趙忠簡公謝任伯 **鉛建炎掌故者省記凡請乞辭免惟不允者始降詔紹** 賢之道望舉行故事凡六尚書及翰林端明殿學士 判相州東坡内制答文潞公吕正獻辭免拜安厚卿辭 故事論之取判公內制答寓鄭公乞判汝州韓魏公乞 **並無降記之禮乃或有如敢遷延重寘典憲指揮非待** 遷官諸允詔以為据從之尋又言近年急於除用人材 乞朝見並從所請而無詔書暴叔厚 ,密禮時為學士引

到灾

四月全書

當草文路公日申公免拜不允批答及安厚鄉解 是禮文稍稍復售 遇之禮且使外任近臣有所取信以離其官守制可於 夫人詞頭自是舎人遂皆得封緣元祐間東坡在翰林 唐制惟給事中得封駁本朝富鄭公在西掖封還遂國 行在者並令尚書省日下報學士院頒降詔書以示待 上職任與曽任宰相執政官若自外除投或被召應赴 學士不草詔 1.11 於谷是是

敏定四庫全書 慶舎人猶得繳還豈親為內相者顧乃不可固應執奏 歐陽公歸田録載知制誥不試而命者楊文公陳文惠 宗晟辭起復點皆以為未當不即撰進具所見以奏朝 及公凡三人盖誤也實始於至道三年四月真宗念梁 廷多從之益學士實代王言視外制為重命令有所未 周翰夙負詞名令加獎擢乃不武而入西問自國初以 以示守官之義理則然爾 知制誥不試而命

用此亦誤映冉益與大年並命者獨大年不試而後命 丞 · 得避暑録話乃謂周翰與薛映梁見亦皆不試而 來不試而命者周翰實為之首而楊公繼之葉少蘊左 翰林學士帶知制語本於唐制唐自開元末改翰林供 學士帶知制語

云

自諸曹尚書下至校書郎皆得與選入院一歲則選知

たこの言

こます

源點漫志

六

奉為學士院專掌內命號為內相凡充其職者無定員

則帶知制語徒成贅爾元豐改官制失於刑去况知制 文書之學士也若本朝翰林學士未始有不作文書者 制語未知制語者不作文書但備顧問祭侍行幸而已 憲示以除目元憲辭以臣掌外制此非臣 職是也建炎 **誥自掌外制天禧末欲罷鬼忠愍政事召知制誥晏元** 士然唐之學士必帶知制誥之三字者所以別其為作 唐自有知制誥以中書舎人或前行正郎為之本朝亦 自有知制語如錢岩水蘇易簡皆自知制語入為翰林學

金万四周全書

处已切尾公野 **誥三字為哉任伯第不詳及爾** 還所職則翰林學士自應專典內制矣何必更帶知制 内剖則必帶知制語三字此不易之制也記可賴緣微 祖宗時若兼領他官止與職名同元豐官制既行專典 元年謝任伯祭政克家除翰林學士以知制語犯祖名 臣輕有改革卒辭不拜然元豐以前省臺寺監皆領空 名則固與職名同官制既行賜之以階而省臺寺監各 為言有肯權不繫知制誥三字任伯力解言翰林學士 梁點漫志

世初申先蘇仲虎符時賜出身為中書舎人而吕居仁 皆嘗直北門紹興初徐師川 俯賜出別為翰林學士任 章進者世尤指以為紫熙寧則韓持國崇寧則林彦振 北門西掖之除儒者之祭事也其有不由科第但以文 金分四月月 夫有名試之命因力解言國朝之制詞命之臣皆先試 王嘉叟相劉正夫孝雖旨以門蔭特命攝西掖而劉正 賜出身無掌內外制乾道淳熙以來韓无咎元吉 北門西掖不以科第進

本意 此亦闕文近歲始命起居郎起居舎人從駕乃合建官 **克巴口唇心睛** 則人主起居之際皆所當侍而遇乘與行幸未嘗扈然 而後命自渡江以來廢而不舉今方修故事恐弗克 稱塞雖可其奏然 攝詞命幾三年乃罷 史立蜗舊多服緑者謂之 三館館職 史扈從 染點漫志 點青其職口記言記動

長慶門築屋數十間為三館國初太平與國二年度地 唐三館者昭文館史館集賢院是也五代卑陋僅於右 本朝三館職事皆稱學士紹與初猶仍此稱益舊典也 秘書省而三館之職歸之開元故事校書官許稱學士 館後建祕閣修史藏書校讎皆具職也中與以來復建 院以三館為額天聖九年乃徒三館子崇文院前列三 中祥符八年又於左右掖門外建院天禧初詔崇文外 在昇龍門東北一新之以三館新修書院為崇文院大

金牙四月日書

省官撰益學士代王言掌大典冊此等瑣細文字付之 檢校官益唐制本以為武臣遷轉之階至祖宗時持 時內外制闕人多於此取之所謂館職儲材意益本此 館職既足以重北門之體且所以試三館翰墨之才異 **驛熊設教坊白語州潤經詞及回答髙麗書並送秘書** 故事朝廷有合撰樂章觜頌敕龔軷祭文夏國人使到 檢校官 秘書省官棋文字 1.11 裸豁漫志

之自後王景莊刷宗曹襄悼利用為副樞又用趙韓王 九三少而上有六等後雖樞廷不復帶然自節度使而 例不带正官直以檢校太保為之獨太平興國中石元 中祥符五年王與公欽若以吏部尚書陳文忠竟咨以 户部尚書為使晁文元當制誤削去檢校太傅詔並存 重之凡文臣為樞密使副必以檢校官兼正官為之大 兵部尚書為使當時以為有司之失檢校之階凡十有 照載止以户部尚書充使乾典中錢思公惟演亦以

銀定四庫全書

夕己の巨文字 特賜諡者始命詞紹與三年陳去非祭政與義在西掖 書其後東坡黄州之貶亦檢校水部員外郎比比頗多 深意為之等級不肯輕井以三孤之任也自檢校尚書 遷者必除檢校官益節鐵之上止有太尉開府儀同三 而下亦或以為散官熙寧中祖無擇責授檢校工部尚 故事百官諡不命詞政和以來有不經太常考功議而 司遂至少保所以必除檢校官者葢祖宗重惜名器之 百官諡命詞與否 染點漫志

臣磨勘轉官尚應命詞特恩賜諡乃人主非常之澤所 後應太常考功定諡者亦徑陳乞賜諡例多命詞朝論 特詔命詞給告云 宜命詞以示褒寵若法應定諡者則當坐議狀給告可 引故事以請乃詔今後特恩賜諡命詞給告餘給敕其 也至淳熙丁 以為言止坐議狀給告雖特思得諡者亦然然今之從 正諡 未陳魏公賜諡正獻梁鄭公賜諡文靖

金牙四尾八量

火軍四年 三十 臣下諡多同盖以節行適相當固難於相避然其間有 矣 盆之美者極於文正司馬溫公嘗言之而身得之國朝 正其實非本諡也如張文節夏文莊始皆欲以文正易 昉 名而朝論近不可此諡不易得如此其為厲世之具深 以來得此諡者惟公與王沂公范希文而巳若李司空 王太尉四皆諡文貞後以犯仁宗姓名世遂呼為文 臣下姓諡多同 读豁漫志

曙溥 使經過公言臣班視二府不可為陪臣屈詔獨遣少尹 挺之諡清憲字雖不同聲音亦相紊也 外夷使入朝所過郡長吏例送迎張安道鎮南京高麗 諡皆同者往往稱謂紊亂當及之本朝有兩王文康 而韓魏公益忠獻韓宗魏益忠憲趙閱道益清獻趙 兩張文定 外夷使入朝 **啊李忠愍书官舜** 方齊野 两張忠定蘇兩陳忠肅 舉两朱忠靖諤 非 兩王然簡慢 過庭兩劉忠

见无

王來朝宰相出笏見之使者則否紹與初高麗使入貢宰 使副府謁其犒設令兵官主之請如故事從之仍詔所 其後韓玉汝鎮頹昌亦言交趾小國其使人將過臣境 相乃出笏見之非故事時翟公異為恭政當以為不可 奈何屈膝向死者乃奠而不拜識者是之故事外夷國 于中國極過其境官屬議奠拜賴叔獨日生見尚不拜 過郡凡前宰相知判者亦如之蔣穎叔即熙河西使卒 臣嘗備近殉難以抗禮按元豐中迓以丘官餞以通判

東ビリーとは

裸點漫志

為似不須一 街 不統也而或遇朝廷一時推行申嚴之事往往皆以繫 明年復入貢始檢會張安道例下之經由州郡云 金厂里屋 太守謂之知某州軍州事者言一州之軍事州事無所 **郡簽廳售謂之都廳歐陽公尹師魯在錢思公幕中** 如毘岸遇角之類彼既長是郡則 都應簽廳 知軍州事 入街也 一郡之事皆所當

古此風尚淳古馬 僧官然監司亦只書實官如提刑宣德之類其末稱裁 **膘件狀如前謹牒後見政宣問者則去此一行其間有** 內外都廳並行禁止懷安軍奏本軍都廳乞以簽廳為 熙豐間士大夫謁剌與今略同而於年月前加一行云 名從之記諸路依此簽廳之名所由始也 謁剌 梁路運志 生

有都應問話是也宣和辛丑尚書省公相廳改為都廳

旨皞禮部所放進士也後裔孫知舉放榜引新進士詣 唐世極重座主門生之禮雖當五代衰亂典章縣壤之 銀定四庫全書 皞皞喜作詩曰門坐門下見門生世亦祭之維翰已作 凝同當時以為紫裝錄久在朝廷宰相馬裔孫桑維翰 舉選范質為第五質後拜相封魯國公官至宫傅皆與 已及第時名次為重和凝舉進士及第時第五其後知 餘然故事相仍此禮猶不敢廢在唐知舉所放進士以 座主門生

以為當 相當過線像不迎不送人問其故線日我見桑公於中 **書雁寮也桑公見我於私第門生也何送迎之有人亦** らくっしつ シトラ 裸豁漫志 十四

梁谿漫志卷二				鱼厅四周全書
二				
				表二
		·		
1			 	

紫宸便殿也謂之閤其不御前殿而御紫宸也乃自正 臣曰常然朔望薦食諸陵寝有思慕之心不能御前 衙與仗由閤門而入百官俟朝于衙者因隨以入見故 則御便殿見羣臣曰入問宣政前殿也謂之衙衙有仗 唐有入閤之制本朝因之按唐故事天子日御殿見羣 欽定四庫全書 染谿漫志卷三 閤 深陷曼奶 宋 費衮 採

謂之入 常日廢仗而朔望入問有仗習見既久遂以入問為 皆不能正故歐陽公識之本朝建隆三年八月丙戌朔 凡羣臣五日一入見中興殿便殿也此入閤之遺制 御史中丞李琪請復朔望入閣然有司不能講正其事 至出御前殿猶謂之入閤其後亦廢至唐明宗初即 已後因亂禮闕天子不能日見羣臣而見朔望故正衙 謂之起居朔望一 問然衙朝也其禮等問宴見也其事殺自敢行 出御文明殿前殿也反謂之入問 重

郵定匹庫全書

周為外朝在唐為大朝冬至元日立全仗朝萬國在此 文德殿右諫議大夫張泊既與徽之等同撰定新儀又 故事別為新圖淳化二年十二月丙寅朔遂行其禮於 とこうこ 殿也今之文徳殿即唐之宣政殿也在周為中朝在漢 獨奏疏其略曰竊以今之乾元殿即唐之含元殿也在 五代草創禮容不備於是命史館修撰楊徽之等討論 1.4. 深船曼志

御崇元殿文武百官入閤自後屢踵而行之太平興國

|年詔以八月一日人閤)||會雨而止又以入閤僐圖承

益隻日御紫宸上閣之時先於宣政殿前立黄麾金吾 衛之嚴故雖隻日常朝亦須立仗前代謂之入間儀者 尊至重故巡幸則有大駕法從之盛御殿則有鉤陳羽 間即隻日常朝之殿也東晉太極殿有東西問唐置紫 為前殿在唐為正衙凡朔望起居及册拜妃后皇子王 對定四庫全書 **宸上闇法此制也且人君恭已南面向明紫微黄屋至** 即唐之紫宸殿也在周為内朝在漢為宣室在唐為上 公大臣對四夷君長試制策奉人在此殿也今之崇德

仗俟勘幹罪與仗即自東西問門入故謂之入問今朝 とこり日とはす 一人 之後四方多故肅宗而下咸隻日臨朝雙日不坐其隻 聞唐初五日一朝景雲初始修貞觀故事自天實兵與 與論乃以入間儀注為朝廷非常之禮甚無謂也臣又 日立仗視朝之所其崇德殿崇政殿即唐之延英殿是 也為雙日常時聽斷之所底乎臨御之式允叶常經今 正與文徳殿南北相對伏請改創此殿以為上閣作隻 廷且以文德正衙權宜為上閣甚非憲度竊見長春殿 梁點漫志

處分奏入不報淳化三年五月甲午朔御文德殿百官 夷入貢勲臣歸朝亦将開上問引見並請准前代故事 特開紫宸引見臣欲望依前代舊規隻日視朝雙日不 坐其隻日遇大寒盛暑陰雪泥寧亦放百官起居其雙 當奏事即時特開延英名對或蠻夷入貢勲臣歸朝亦 日於崇德崇政兩殿名對宰臣常祭官以下及非時蠻 入問舊制入閣惟殿中省細仗隨兩省供奉官先入陳 日或遇大寒盛暑陰霪泥濘亦放百官起居雙日宰相

金万匹屋

A Charles

闇之儀 今不常行臣退而討尋故事夫入問乃有唐隻 臣曰唐有入間禮今不常行其入廢不講抑不可以行 之已口戶 (eth) 於今乎於是衆知政事宋庠奏疏曰此蒙聖問有唐入 省細仗仍舊從新制也大中祥符七年四月今有司依 十議其第十議乞修起入閤之儀寳元二年仁宗謂輔 新定儀制重畫入問圖有唐朝職官悉改之從東上問 於庭太宗以為儀衛太簡命有司更設黃塵仗其殿中 門從魏昭亮之請景祐元年二月知制誥李淑上時政 裸點漫志

第三殿日紫宸殿謂之上閣亦曰內衙隻日常朝則御 宗以後天子多在大明宫制度尤為華備宫之正南曰 官在大内之東北世謂之東內而謂大內為西內自髙 之據唐制凡天子坐朝必須立仗於正衙殿或乘輿 御紫宸殿既喚仗自宣政殿兩門入是謂東西上閤 日於紫宸殿受常朝之儀也謹案唐有大內又有大明 殿口宣政殿謂之正衙朔望大册拜則御之又對北 鳳門門內第一殿日含元殿大朝會則御之對北第

金万四月八十

ここりこ 還雙日及非時大臣奏事別開延英若今假日御崇政 值此為殊耳故後來論議因有未明又按唐自中葉以 延 則差與舊儀相合但今之諸殿比於唐制南北不相對 之庭如天子止御紫宸殿即喚仗自東西閣門入如此 唐含元殿也文德殿唐宣政殿也紫宸殿唐紫宸殿也 今或欲求入問本意施於儀典即須先立仗於文德殿 也若以國朝之制則今之宣德門唐丹鳳門也大慶殿 和是也乃知唐制每遇坐朝日即為入間而叔世離 1:4: 淡浴量以

士討求未至太宗朝儒臣張泊亦有論奏頗為精治竊 其後或有行者常人之所罕見乃或謂之盛禮甚不然 問之儀又以文德殿為上問差奸尤甚益當時編撰之 **售禮本無比制至閉實中諸儒增附新禮始載月朔** 也今之相傳入問圖者是官司記常朝之制也如問 恐朝廷他日修復正衙立仗欲下兩制使預加商權 有儀制教雜坐圖耳是何足為希潤之事哉况唐開 亂五代草創大昕之制更從簡易正衙立仗因而遂廢

定四样全書

亡元城無語蒼梧疑而問之元城云元祐黨人只是七 某在耳元城為此言時實宣和六年十月六日也益紹 岳州蒼梧先生胡德輝 理當對劉元城歎息張天覺之 寧三年五月壬子用宋敏求王岐公等議始詔朔望御 文德殿立仗而罷入閤儀入閤之本末如此 ・してして ここ たいとい 正篟儀而議者以今之殿 閤與唐不同遂不果行至熈 (人後來附益者不是又云今七十七人都不存惟 **兀祐黨人** 深筋曼を Ì

|姦黨至三百九人之多於是邪正混殺其非正人而入 |好定四庫全書 典遂有詔甄别之 **駸駁附益入籍至崇寧間京悉舉不附已者籍為元祐** 後而議者謂其間多姦邪今日子孫又從而僥倖恩 元祐黨者益十六七也建炎紹興間例加褒贈推恩其 時忠賢七十八人者可指數也其後每得罪於諸人者 聖初章子厚蔡京卞得志凡元祐人皆籍為黨無非 行卷

氏族之為久矣凡蔣邢茅胙祭周公之角也此三者實 士之自處既輕而先達待士之風至此亦掃地矣 此等語往往不復終卷彼方厭其干請安得為之延譽 來率俟相見之時以書啟面投大抵皆求差遣白私書 見之宣和問蒼梧胡德輝見劉元城尚仍此禮近年以 干請乞憐之言主人例避謝而入袖退閱一二見其多 凡族 深陷曼息 ٤

前輩行卷之禮皆與刺俱入益使主人先閱其文而後

皆從省文如司馬則曰馬諸葛則曰葛歐陽則曰歐夏 之人避其諱以劉去偏傍而為金王審知據閱閩人避 楊今此楊姓不復見亦皆雜於楊矣錢緣有吳越吴越 又將混於單姓矣唐永貞元年十二月淳于姓改為于 **使則日侯 鮮于則曰于如此之類甚多相承不已複姓** 其諱以沈去水而為尤二姓實一姓也今之稱複姓者 徐與秦俱出韓與何同姓之類是也揚子雲於蜀無他 一姓也自分為三派寖遠寖忘則為三姓矣退之所謂

欽定四庫全書

巻三六元

盧那 細矣忠憲聞之喜曰公待我厚也予竊謂王公此舉於 於上他日使人指韓郎縁婦翁奏免遠適則其為損不 というこ 王文貞公為相長女婿韓忠憲例當守遠郡得洋州公 私語其女日韓郎入川汝第歸吾家勿憂也吾若有求 大族欽望绿華皆當為相而此姓今不復見其殆混於 以音與憲宗名同也至今二于無復可辨如豆盧益唐 王文負壻入蜀 1.4. 染餡是去

計者政使其女不肯遠適尤當以義責使借行使人知 李晟正歲崔氏女歸寧責曰两有家而姑在堂婦當治 國處家之際兩盡其至矣 公雖父子之爱亦不肯容其私益彰至公之道則於為 酒食且以待賓客即卻之不得進晟武人尚知此為公 福率當同之今其夫特為遠郡處俾其女歸享安佚之 當國則甚公於處家則似未盡且婦從夫者也死生禍 樂而使其夫獨被退征之勞豈所以教為婦之道哉唐

多定四库全書

書其上以曝其腦所以年月雖深終不損動至於改卷 必先視几案潔淨籍以茵褥然後端坐看之或欲行看 伏及重陽間視天氣晴明日即設几案於當日所側屋 常閱者雖累數十年皆新若手未觸者當謂其子公休 司馬温公獨樂園之讀書堂文史萬餘卷而公晨夕所 日賈豎藏貨貝儒家惟此耳然當知實惜吾每歲以上 承以方版未嘗敢空手捧之非惟手汗漬及亦處觸 司馬温公讀書法

梁船漫志

文選載李今伯乞養親表云臣密今年四十有四祖 以指爪撮起甚非吾意今浮屠老氏猶知尊敬其書豈 劉今年九十有六是臣盡節於陛下之日長報劉之日 以吾儒反不如乎當宜誌之 短也讀者惻然動心元祐三年髙密郡王宗晟起復判 以次指面撫而挾過故得不至揉熟其紙每見汝單多 其腦每至看竟一版即側右手大指面觀其沿而覆 高密辭起復 母

たとりら 應未審可否次日復一帖云昨夕再思淳備字太顯而 **輒欲更表德曰淳備既協 吉夢又可止記且與今德相** 得温公與之帖云按鄧仲華傳仲華內文明寫行淳備 范淳父内翰之母夢鄧禹來而生淳父故名祖禹字夢 哀之因入劄子乞聽所守詔從之 致命徇國之日長東坡時直禁林當草答詔見其疏而 大宗正事連章力解其言亦曰念臣執喪報親之日短 范淳父字 1.L. 梁點漫志

本語助特後世以便於稱謂非以表其德也凡今以伯 原文貢父錢穆父皆只一字或謂仲原父用程伯休父 盡不岩單字淳臨時配以甫子而稱之五十則稱伯仲 多员四库全書 閉樂先生陳公伯修 師錫 三字之法非也伯休父亦只一字耳益伯仲與甫之類 亦猶子路或稱季路是也如何如何予因是推之劉仲 仲甫子之類為助者皆取單字葢亦古之遺意馬爾 射鴈堂 在太學與了翁友善一日同

節度掌書記果相與為代因名便廳為射鴈堂先是了 翁将唱第問投子山道者云我作狀元否應曰無時 第三人登第後三年了翁登第亦第三人皆為昭慶軍 當中首應伯修引弓射之一矢中其三了翁不中須史 有時三了翁惘然莫測是歲時彦題天下了翁居其三 膀耶了翁曰果然當為公代其明年徐鐸榜伯修果以 又有雁陣週馬了翁射之亦中其三伯修笑曰公其後 た 心 受 上

集宗室淄王圃中有鴈陣週相與戲曰明年魁天下者

一级定四庫全書 始悟前語 閒樂異事 卷三 日書寝夢

閱樂陳公伯修宣和三年以祠官居南徐

處殿字巍然中有人冠服如天帝正坐侍衛環列

至

賢者引公拜殿下命之升殿慰籍久之謂曰卿平生論

事章疏可悉録以進呈公對曰臣在杭州日因陳正彙

事即守賣偉節遣人搜取多已焚減今恐不能盡記帝

曰能記者録以進即有仙官導公至廡下幕中設几案

筆硯有一青冊公方沉吟間像官曰不必追記盡在是 其殆有歸詔耶公曰不然豐相之臨終亦夢朝帝益永 信吾去矣其子請 日大人何往公告 以夢子曰此吉夢 覺呼其子大理寺丞豈至前引其手按其項則十字裂 載無遺公即袖以進帝喜曰已安排鄉第六等官矣逐 歸之兆也已而再寝頃之覺復謂其子曰適又夢入黑 矣開册示之則平日所草章疏具在雖經焚毀者亦備 ここうこ 如小兒頭其熱如火謂之曰與吾書謁刺數十將別親 1.4.5 深配漫る =

退命諸子子婦皆坐置酒諄諄告戒家人見公無疾而 遣人招其子告之曰適尊公有狀丐掛冠正康殭何乃 **吾治命事不可妄易遂歸攜親戚数十人酌酒告別既** 漆屋三間此棺槨之象吾去必矣俄南徐太守虞純臣 日殿院咳逆不止若疾狀諸子亟走至則已跌坐而 爾莫測其意是以扣公言未既聞傳呼陳殿院來若已 知其故者謂太守曰死生定數也公何訝戒其子曰凡)若是愕眙不知所荅迨夜入寢有婢杏香奔告諸子

多定四库全書

火とり事を持つ 此乃知世之偉人皆非混混流轉者傳說騎箕而為列 作仙官第六人張子韶九成云凌波應作水中仙益謂 流多作挽詩紀其事黄晃仲裳云不須更草玉樓記已 僧來作佛事 乃知之故欲瞻敬遺像非有所求也時名 而北人馬皆不濡傍人指云此陳殿院也泊入城見羣 欲入吊其家以素不之識止之僧云我誠不識公但轉 昔之夜在瓜洲忽夢一官人着朱騎馬導從甚盛凌沒 足猶未上命其子為收之纔畢 而終終之七 日忽有僧 保點漫志 主

星其可信矣 金万里是 兀城了翁表章

膾炙人口此固四六所尚前輩表章固不廢此然其 姦邪為之破膽元符末劉元城自貶所起師即當遇閱 正之氣形見於筆墨間讀之使人聳然人主為之改容 今時士大夫論四六多 喜其用事精當下字工巧以為

公謝表云志惟許國如萬折之而必東忠以事君雖三

已之而無慍坐是遂不得入見大觀間陳了翁在通州

文包里在事~ 侔矣 老矣益堅平險之心精衛眇然未捨填波之願後竟再 編修政典局取尊堯集了翁以表繳進其語有云愚 **鞫治東坡獄正急一日將朝忽於殿門謂同列曰蘇軾** 王定國甲申雜記云天下之公論雖讎怨不能奪字定 霜烈日與退之所謂登泰山之封鏤白玉之牒者似不 坐貶此二表於用事下字亦皆精切而氣節凛凜如嚴 王定國記東坡事 兼點漫志

誠奇才也衆莫敢對定曰雖二三十年前所作文字詩 句引證經傳隨問即荅無一字差舛誠天下之奇才也此 特爱東坡之過云爾 作詩文之因人皆可能似不足為東坡道也定國記此 **浆谿漫志卷三 激妝東坡自熙寧初荆公行新法自是詩語多** 原年不至二三十年也籍使能記二三十年 便元豐二年言者論其作詩譏諷遂得罪

金がくせんという

欽定四庫

于部

深點漫志太四至

詳校官中書臣羅錦森

員外即日十稔文覆勘 覆校官中書臣汪學金

腾録監生日劉

腾録监生日桑

英

校對官中書臣記

鏊

澐

脉贯穿 經緯錯綜成自然之文此所以為可法也 ううう 兩句而書 範凡為文 ·讀檀弓山谷謹守其言傳之後學檀号誠文 トナナ 記事常思意晦而解不達語雖曼行 号或數句書 者語極簡而味長事不相涉而意 裸船漫志 宋 事或三句書 費家 褀 事

豁亂問已能如此妙矣夫 後在京師有哭遵聖詩云老任况豪俊先子推單行又 多定四峰全書 游東坡所謂大任剛烈世無有疾惡如風朱伯厚者其 云平生惟一子抱負珠在掌見之衉齓 中已有食牛量 人任孜字遵聖以學問氣節雄鄉里兄弟皆從老蘇 東坡西湖了官事 後立朝果著大節即德翁也東坡眼目高觀人於 東坡識任德翁

筆 東坡鎮餘杭遇遊西湖多令旌旗導從出錢塘門坡則 てこうこ 則乘馬以歸夾道燈火縱觀太守有老僧紹興末年九 伴靈隱天竺間以吏愤自隨至冷泉亭則据案剖決落 自湧金門從一二老 兵泛舟絕湖而來 飯于普安院徜 餘幼在院為蒼頭能言之當是時此老之豪氣逸韻 以想見也 如風雨分爭辯訟談笑而辨已乃與像吏劇飲薄晚 東坡改和陶集引 7. ±5 深路曼志

自欲以晚節師範其萬一 肯為五斗栗 之拙者哉孔子日述而不作信而好古竊比於我老彭 至從官出長八州事業見於當世其剛信矣而豈消明 求志詠歌以忘老誠古之達者而才實拙若夫子瞻仕 東坡既和湖明詩以寄頼演使為之引頼濱屬葉寄坡 多定四雄全書 古之君子其取於人則然東坡命筆改云嗟夫淵明不 年為獄吏所折困終不能悛以陷大難乃欲以桑榆之 一東 带見郷里小人而子 瞻出仕三十餘 也其下云嗟夫淵明隱居以

葛延之在儋耳從東坡遊甚熟坡嘗教之作文字云譬 たかり風 /ing 所作而不知東坡有所筆削也宣和間六槐堂蔡康祖 道區區之迹益未足以論士也此文今人皆以為頻濱 進退猶可改也後之君子其必有以處之矣孔子曰述 得此荣於頓濱第三子 遜因録以示人始有知者 而不作信而好古竊比於我老彭孟子曰曾子子思同 未景自託於湖明其誰肯信之雖然子瞻之仕其出入 東 坡教人作文寫字 铁路漫志

此便會作字也當為作龜冠詩送其行為以語胡 從吾胷中天大字流出則或大或小惟吾所用若能 教之學書云世人寫字能大不能小能小不能大取 **翕然並起皆赴吾用汝若晓得此便會做文字也又** 乃市肆諸物也意者錢也為文若能立意則古今所首 而已其易得者是物莫難得者是錢令文章詞藻事問 如市上店肆諸物無種不有却有一物可以攝得日歐 不然胃中有箇天來大字世間縱有極大字馬能圖

多分四月在書

とこつき 都監王約指使監生同幹惠州納秋米六萬三千餘石 警房散居市井窘急作過坡 後令作營屋三百 間又薦 作言語之際皆足以招誘故公謹之後人得罪遷徙者 陸宣公詢忠州杜門謝客惟集樂方益出而與人交動 多以此為法至東坡則不然其在惠州也程正輔為廣 中提刑東城與之中外凡惠州官事悉以告之諸軍闕 **餐梧為記之此大匠誨人之妙法學者不可不知也** 東 坡謫居 中勇於為義 1. A.F. 染點漫志

城免一 官政亦易指以為恩怨而坡奮然行之不疑其勇於為 事又與廣帥王敏仲書薦道士鄧守安令引滿澗水 六分分了錢造成一座河樓橋乞選一健幹吏來了此 仍約東本州科配惠州造橋坡以為吏孱而胥横必四 漕符乃令五萬以上折納見錢坡以為嶺南錢荒乞 人户納錢與米並從其便博羅大火坡以為林令在式 金月四月石量 不當坐罪又有心力可委欲專牒令修復公宇倉庫 城人飲城苦水春夏疾疫之患凡此等事多涉

東坡平生宦游多在淮淅間其始通守餘杭後又為守 義如此謫居尚爾則立朝之際其可以死生禍福動之 東坡縁在東南

杭人樂其政而公樂其湖山當過壽星院恍然記若前

凡五年移汝既去黄夜行武昌山上回望東坡開黄州 身游歷者其於是邦每有朱仲烱桐鄉之念謫居於黄

鼓角凄然泣下赋詩云黄州鼓角亦多情送我南來

文と以后を馬

裸谿漫志

攻擊逐不敢兄弟同居竟居毗陵以聽縁在東南之語 別逐欲北還類昌作書與惟熙云然其縁在東南終當 李惟熙買田以老已而得子由書言桑榆末景忍復離 為言晚自儋北歸愛龍舒風土欲居馬乃令郡之隱士 生之語在禁林與胡完夫蔣穎叔酶唱皆以卜居陽羨 辭遠尋上章乞居常州其後謝表有買田陽羨誓罪此 會合願君志之未易盡言也至儀真乃聞忌之者猶欲 乃爾明驗古之偉人自能前知所謂有開必先者不假 July July 表凹

Ų

數術也 **建中靖國元年東坡自儋北歸卜居陽美陽美士大夫** 東坡卜居陽羨

聽之口異哉何其悲也宣有大難割之愛觸於其心敷 矣夜與部步月偶至一村落聞婦人哭聲極哀坡徒倚 宅為錢五百緡坡傾襲僅能償之上古入新第既得 其人時時相與杖策過長橋訪山水為樂部為坡買一 **稍畏而不敢與之游獨士人部民瞻從學於坡坡亦喜**

ej

灰宝四事全替 ·

凝點漫志

得者也坡因再三慰撫徐謂之曰嫗之舊居乃吾所售 这也坡亦為之搶然問其故居所在則坡以五百餐所 不敢動以至於我而吾子不肖逐舉以售諸人吾今日 遷徙來此百年舊居一旦訣别寧不痛心此吾之所以 吾將問之逐與卻推扉而入則 也不必深悲今當以是屋還嫗即命取屋券對嫗焚之 嫗何為哀傷至是嫗日吾家有一居相傳百年保守 其子命翌日迎母還舊第竟不索其直坡自是遂還 老嫗見坡泣自若坡

東坡北歸至儀真得暑疾止于毗陵顧塘橋孫氏之 毗陵不復買宅而借顧塘橋孫氏居暫想馬是歲七月 竟據是版而終後陸君之子以屬蒼梧胡德輝為之 傳其事云 坡竟殁于借居前輩所為類如此而世多不知獨吾州 **炎之四車全書** 氣寝上逆不能卧時晉陵邑大夫陸元光獲侍疾卧 所御賴版以獻縱横三尺偃植以受背公殊以為 東坡嫡版 梁 新漫志 内

東坡自黄移汝上書乞居常其後謝表有買田陽美誓 斯文棟梁以正就木猶不忍僵昔我邑長君先大夫侍 畢此生之語在禁林與胡完夫將類叔唱和有云惠山 不祥之器 山下土如濡陽美溪頭米勝珠賣劍買牛吾欲老殺雞 間夢真啟手舉扶木君戚施匪屛匪几語萬子孫無曰 日參沒易簧由殪結纓斃而得正匪死實生堂堂東坡 毗陵東 坡祠堂記

----- J.L. | 之是非人皆畏禍莫敢莊語公之葵也少公黄門銘其 或朝服或野服列於壁間而晁侍郎公武為之記其略 日公武聞諸世父景迁生崇寧問賊臣擅國顛倒天下 祠於郡學之西塑東坡像其中又於士夫家廣摹畫像 所邦人以為闕文乾道壬辰太守晁殭伯子健來始蔡 達三十年間未嘗一 晚自儋耳北還崎嶇萬里徑歸南崩陵以殁益出處窮 為泰子來無又云雪芽我為求陽羨乳水君應的惠山 一日忘吾州者而郡無祠宇奠謁之 染俗曼志

落不傳於是不敢以不能為解而斬載其事惟公當元 害忠良而謂公與之友善林希之抵誣善類而云公嘗 汉引之嗚呼若然則公之上清儲祥忠清粹德二碑及 察確誇識可放而謂公之進用自其遷揮章子厚之賊 諸奏議者述皆誕謾歟公武因子健之請伏自思念歲 壞元豐指温公才智不足而謂公之斥逐出其遗意稱 壞亦非實録其甚者以賞罰不 明罪元祐以改法免役 月滋久者舊日益淪喪存者皆遊然後進則緒言将零

到灾四库全書

卷四

とこの 日本公子 殭伯刻石為二碑一置之郡齊一置之陽美洞靈觀用 世不知其然惟斯言是信則為盛德之界大矣因述景 以為不肖皆有為而發豈少公之意或出於此非耶後 常侍父之龔非以為賢從者詈楚公子日隸也不力非 後立朝本末彰明較者如此豈有他哉昔陳仲弓送中 寬朋黨於領表而公獨先朝廷追復黨人官爵而公獨 福時起於商籍登金門玉堂 極禮樂文章之選及章祭 **迁生之語俾刻之樂石庶異日網羅舊聞者有考記成** 探點漫志

此 堂下此佳句也坡 名節固自萬世不磨矣 喜口奇文也容退以示幕容李端叔問何者最為佳句 杜元凱之法益欲俱傳不朽其措意甚美然東坡公之 即眉字間決無是語得無假諸人乎城曰使其果然 叔曰獨開 坡即定武有武臣狀極朴陋以啟事來獻坡讀之甚 武臣獻東坡政 府收徐庾於幕中並用五材走孫吳於 日非君誰識之者端叔笑謂坡日視

金分四月石雪

50

我襲庭隅憑誰喚起王摩詰畫作東坡戴笠圖今時亦 級當年夢故作黃冠一笑娱遗迹與公歸物外清風為 隱有詩云持節休誇海上蘇前身便是牧羊 奴應嫌朱 之著展而歸婦人小兒相隨爭笑邑大羣吠竹坡問以 東放在儋耳一日過黎子雲遇雨乃從農家借銷等東 シスニロラー ノ・トラ 固亦具眼矣即為具名之與語甚歡 人周少隱紫芝聞之李端叔嘗記其事 東坡戴笠 祭點漫志 府皆驚竹坡老

植荔子取其枝葉陰覆彌望不絕此所 州古田縣海 銀定四件全書 語也 麓常疑上句似汎此老不應爾後見習閱廣者云自福 東坡食荔支詩有云雲山得伴松槍老霜雪自困櫨 有畫此者然多俗筆也 東坡荔支詩 東 坡用事對偶精 口鎮至于海南凡军上木松檜之外 卷四 切 以有伴 松檜 悉雜

事非外夷使者致饋之故實乎 之皆不飲作詩戲之用徐邈孟嘉飲酒事仍各舉當時 東坡詞源如長江大河汹涌奔放瞬息千里可駁可愕 事於宰旅方勞遠勤發私幣於公卿亦蒙見及發幣 全語以為對其通守餘杭日答萬麗使私觀狀云歸時 詩用古戰場日五色皆當家事殆如天成徐君敵孟亨 而於用事對偶精妙切當人不可及如張子野買妄詩 全用張氏事祭徐君猷文全用徐氏事送李方叔下第

父にの旨と時

张點漫志

後之義練塘洪慶善吏部典祖引前漢志云見神於先 退之南山詩云或齊若友朋或差若先後人多不知先 東坡之文治如河漢溝瀾奔放宣區區東縛於隄防者 後之容或疑先後不可對坎井益不知亦出於此也 謝上表云信道直前曾無坎井之避立朝寡助誰為先 後宛若其注云兄弟妻關中呼為先後予觀東坡徐州 東坡文效唐體 退之東 坡用先後語

多分四個人事

矣不知 世有段文昌其題 云紹聖 中得此詩於公流館 云淮西功德冠吾唐吏部文章日月光千載斷碑 聖黨禍起磨去坡文命蔡元長別撰玉局遺文中有詩 東坡在翰林被肯作上清儲祥宫碑哲宗親書其額紹 而作徐君猷祭文及徐州鹿鳴燕詩序全用四六效唐 人體而益工益以文為戲耶 不知何人作也戲録之以益篋笥之藏此詩乃東坡 7 **坡録沿流館詩**). L. 洪船曼与 膾

東坡姓名磨去僅存髣髴益崇寧黨禍時也 臨安石屋洞唯石上有題名二十五字云陳襄蘇頌 則可知矣 東坡歸自海南遇其甥柳展如 閏出文一卷 示之曰此 **爽黃瀬曾孝章蘇軾同遊熙寧六年二月二十** 柳展如論東收文 石屋洞題名 日内

銀定四庫全書

自作益寓意储祥之事特避禍故託以得之味其句法

其酷惟恐黨人之塵點汙之也而東坡之在儋儋守張 似洪慶善慶善跋東坡帖具載其語 稱是舅老筆甥敢優劣 邪坡數息以為知言展如後舉 詞意高 妙當在第 吾在嶺南所作也甥試次第之展如曰天慶觀乳泉賦 ラン・フラー ·祐黨禍烈於熾火小人交扇其焰傍觀之君子深畏 事之甚至且日從叔黨棋以與東坡泊張解官北歸 貶所敬蘇黄 1.1. 鍾子翼哀詞別出新格次之他文 洪阳漫志 Ī

贈德翁詩云儋耳百年經解陋眉山二老繼驅除德翁 東坡眉人貶昌化任德翁亦眉人後亦貶昌化張才叔 珍調護其逆旅之事無不可人意當是之時而二守乃 坡凡三作詩送之魯直之在戎戎守彭知徴每遣吏李 能如此其義氣可書張竟以此坐謫云 和云身投題應家何在澤遠昆蟲罪未除蘇任兩公同 梁點漫志卷四 昌化盛事

銀定匹庫全書